

Rup 3341-9/17



# LOU PLAGNÉ DE L'oubriè

A SA MAY LA TERRO


Dediat à un Riche abare.

— — — — —

Lou ten nous appren tout et noun fugen d'ambel ,  
Lous jours se siegon touts à la luts del sourel ,  
D'oun lous flots de rayouns san tranteilleja l'ayre  
Et la terro, d'un trin may balen que l'esclayre ,  
Se nourris, se say bello à sas douços calous ,  
Per nous douna lou frut de las quatre sasous .  
Rés de may bel, nou rés, mais perqué doun, pecayre !  
A cado pas, per tout, per tout de malhurous ?...

May, à qui la naturo  
Dounguet touts ious trésors ,  
Oh ! tu doun la paruro ,  
Perlejo de tous bors  
Pietat, ta créaturo

Demando se toun sé ses alandat per tous ,  
Sé lou fil à la may pot douna dus poutous ,  
Sé lou jouyne ou l'aynat à caouquo préférénço ,



Ou sen cal un des dus toujours din la souffrenço.  
Oh ! nou , lou ciel a dit , ses touts sous maynatchous ,  
Ebé pourtan besen un fun de mas mestressos ,  
Se palaysa lous dits al mièy de las richessos ,  
Tant que de fils , de frays , atengut lous paourots ,  
Serquignejon la bitto oun trobon que de brots .  
Per que doun per aqués jamay rés n'amaduro ?  
Soubeni doulourous , àmo candelto et puro ,  
Tu que n'as que gémit d'unpey que ses na cat ,  
Te cadera doun mourri , tu que n'as pas biscut ,  
A qui lous bouquets d'or , lous colliès , la sinturo ,  
A qui lous glouts de mel qu'as près per nourrituro ,  
En pélérinejan n'as troubat aci bas  
Que de roumets , de dols , et de crouts sur tous pas .  
Oh ! pourtan as de mas , de louns dits que s'estiron ,  
D'aoureillo per entendre , et d'els bious que débinon ;  
Un co que bat et for , enfin ses fey coummo ès ,  
Et tout fut daban tu san poudé touca res .

Acos atal , atal que la bitto en coulèro ,  
Te ten encadénat as pès de la misèro .  
Trabaillo san douta lous mouments dangerous ,  
Fay un riou de toun cor per nega tas doulous ,  
Emprounto del besoun la forço et lou couratje ,  
Planto , bastis , sameno , embellis toun oubratje  
Apey per recounpenso à la merci del ten ,

Uno biasse t'aten ,  
Baqui toun héyritatje .

Bito deun lou paouret benis lou loun pasatje ,  
En layran lou mos de croustet ,

Oh ? couro gandiras lou négrè crun d'aouratge

Oan toun arden couratge

Se nego dins las pleus.

Jamay, d'un loun jamay, doulourouso , escloupado ,

Lou fardeou que ta mutillado

N'a daychat sur toun froun que ridez et doulous ,

Que de penes améros

Que de négreros miséros ,

Apret abe roumput toun eor per lou trabaL

Nou béeses sur tous pas que portos d'espital ,

Et liars de caritat , dounats per las carreros

Al plagne doulourit que fay fendre lous cos .

Riche que del bounhur à touto houro dounado

As la bisito et cajoulado ,

Gaitat , fourtuno et millous mes ,

Penso que lou paouret n'a res de tout acos ,

Nou , rés ; tan qu'el gémis din sa négro masuro ,

Tu din lous bes salouns oun tout n'ès que paruro

San t'occupa de rés , san benesi toun sor

Te bresses sur las flous , sus faoutuls et sur l'or ,

Chez tu tout és bijou et toiletto embaoumado

Plasés , festins et bals pendent touto l'annado ...

Chez él , tout es lambeous , fierlangos et petas

Plous , sanglots sur sanglots , lounus soupirs et tracas

Et négre mos de pa que sa talen espragno ,

Baqui scuin soul trésor .

Tant qu'el penso a la mor ,

Tu pensés as bes jours , à ta bello campagno

Oun bas à plenos mas culli lous millous fruts ,

Que portou rébengut nou sabi lous escuts ,

Sès fier de tout acos , sès fier que tout t'abounde ,  
Dins un moumen dounat , sen plus daqueste mounde ,  
Crey mé presto l'aoureillo al plagne del paouret ,  
Bésito lou souben , capélo-lou , s'a fret.

Faynen caouso communo ,  
Fouillo din ta fourtuno  
Et donne larjoment ,

Lou qui te la dounado es atal que l'entent .

Ou sabes , et pourtant toutjour d'umou countento  
Ten bas al memo trin , oh , rés nou t'espoubento ,  
Nou bises qu'al bounhur que ben te caressa ,  
Ta fiertat enacos , nou rébo ni trabuco  
La palayses per tout , cat lébat sans pensa  
Per aquel qué jamay la joyo nou s'aluco ,  
Din soun el grumillous que la mort bay cluca  
En quitant fruts , trésors , que n'a pouseut touca ...

Apret abe soufer , miséro sur miséro  
Et cantat cats al ciel sa daréro priéro ,  
Dins un tros de linsol , traoucat et fierlangous ,  
Et dios planchos mal raboutados ,  
Fan soun liey , et s'en bay demezi damb' las crouts  
Qué na jamay , jamay douctados :

A qui lou prix ingrat de tous los labous ...

Paouras , en gaspillant , del pa lous croustillous  
Qu'aten , per adouci las pénos de sa bitto ,  
Débat lou mechant tén que jamay nou lou quito  
Es toutjour tourmentat et toujour al moument  
De beyre sous efaus badailla de tafen ...

T'a talen que jamay , n'as sentit din toun bentre  
Crusa ni gargoilla ,  
Nou , pes mets , leus may fis , qu'as souen de té bailla  
Nou crentes pas qui rentre . . .  
Mais , crentes dé mouri ,  
Ebe , d'aquelleo crento aney podes gari  
Lèbo lou cat , regardo  
Lescloupat malhurous , din la négro mansardo  
Agrumillat de fret et tout éguenillat  
Soufren , sans fet , sans pa , sur la paillo aloungat ,  
Lei abatut sans espérenço ,  
Et sur el nas jetat  
Un régar de piétat ,

Mais jamay , doun jamay , ta lourdo councienço  
Nou s'alargira suracos ,  
Es pourtant coumo tu , bastit de car et d'os  
Et memo resenbienco ,  
Et la fado cresenco  
Et lorgul espinglat , qu'aluques din toun or  
Te fan tout oublida , se per tents abisabes  
Lous jours nuts de soun sort  
Se sur tout so qué soufro , un soul cot t'arestabes  
Anbe lou co gounflat per lou trut del rémort  
T'en aniyos à grato psoutos  
Dins un couen ignourat ealsina sur tas faoutos .  
Ebito tout acos , penso an el , et souben ,  
Penso y , presso te , car bassi lou moument  
De paga nôstre deoute à nostro may la terro ,  
Sur tout tu , qu'en tout ten  
De sas may bellos flous , san nat , nat pesoment  
As toutjour la praméro ;

A las soigna pourtant , un soul cot nou t'an bis ,  
Mais , au bis atengut , lou balen prolétairo  
Lou que de tout languis ,  
Lou même qu'as birat lou cat à sa miséro  
Et restat sour souben , à sa loungo priéro.  
Pourtant , de soun trabal ten fas un paradis ,  
Un paradis de lutse et de courto durado ,  
Un papadis setut sur un fiel d'iragnado  
Paradis oun toun âmo es toutjour al moument  
De se perdre , pren gardo , aribo oun nou s'aten ,  
Saoubo lo de l'abime oun es abandounado ,  
Denoso lou eourdou de ta bourso entasado ,  
Fay coumo lou boun riche adujo lou soufren ,  
Pouso de cats al ciel uno prouno pensado  
Sur quel qu'en soun noun tout s'abibo et s'esten  
Sur quel qu'en proumet un eternellomen

A l'amo qu'aci bas nou ses pas oublidado.



# PÉCO

FEYTO

## SUR L'ABIS D'UN AMIT QUE M'A TRATAT DE BETTO

---

Ten bas al Pouн-del-Cassé aney, jour de diméche,  
Las gens soun à la Gleyso, et s'es presque assurat  
De fa paouro serado, as doun perdu lou cat;  
'Un endret coumo aquel, disbes pas lou eouéche,  
Oh nou, paoure estourdit, te bas roumpre lou cor,  
Faras pas dus dinés, et t'en tournaras tor.

Resto chez tu, crey mié, faras de cansounetos  
Que te faran gagna caoucos biellos pecetos,  
Acos badra pla may, que d'ana trantoulla  
Sur un ban mal bastit our pouyos capurla,  
Et per res, se bons play, qual pla que chosques betto,  
Eseuso me lou mot, car nou sey pas poëto,  
Me nou, demordi pas, que te parli bertat.

Mersio al eounplimen, nou las pas mal floucat,  
T'en bas pla coumoacos, sandi coumo t'espliqués,  
Per nou pas me fa mal lacugeromen me piqués,  
Fi gat, n'enpatjo pas que senti la doulou,  
Que, Diou merci, peuyrey la gari san platou.  
Tas obserbatiouns, justos à la balanço,  
Francomen nou soun pas trop flatousos per jou ;  
Es doun bray, seloun tu, que n'aourey pas de chanço?

Mais nou sabes douz pas , que d'Agen lous fegnans  
Es en aquel endret qu'atrapon lous tregans ,  
Et que tu , lou prume , quatre jours per semano  
T'escapes de chez tu , la ligno din la cano  
Per ana t'alouangua , coumo un por à l'engrey ,  
La caremello as dits , en attendren la ney ,  
San abe bis lou nas d'uno quito malino ,  
Regardo s'ey besoun de couré à la debino  
Per sabé tout acos , d'oñ que perdes toun ten  
En badaillan sul tal coumo un grand inoucen ;  
Jou pesqui lous gros sos anbe la cansouneto ,  
San pa , san asticots , san ligno , san fourcheto ,  
Chosque pla , chosque paou , chosque boan houro ou far ,  
Quiti jamay lou riou san empourta ma par ,  
Et tu , res ! jamay res ! acos so que t'embeto ,  
De nous aous dus , debino .. aquel qu'es lou may betto ! ..



Agen , Imprimerie Noubel F. LAMY, successeur.